

Broj: 03-37-302/2019
Sarajevo, 19.04.2019. godine

PARLAMENT FEDERACIJE
BOSNE I HERCEGOVINE

- Predstavnički dom - ✓
- Dom naroda -

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Prezentovano:	22-04-2019
Obj. broj:	01,02-14-854/19

10-B

Poštovani,

U skladu sa članom 27. stav (7) Zakona o budžetima u Federaciji Bosne i Hercegovine („Službene novine Federacije BiH“, br. 102/13, 9/14, 13/14, 8/15, 91/15, 102/15, 104/16 i 5/18) a u vezi sa članom 53. stav (2) Zakona o zdravstvenoj zaštiti („Službene novine Federacije BiH“, br. 46/10 i 75/13), te članom 152. stav (2) Poslovnika Predstavničkog doma Parlamenta Federacije BiH („Službene novine Federacije BiH“, br. 69/07 i 2/08) i članom 143. stav (2) Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09), **radi razmatranja i donošenja, dostavljam Vam PRIJEDLOG ODLUKE O DAVANJU SAGLASNOSTI NA REBALANS FINANSIJSKOG PLANA ZAVODA ZA TRANSFUZIJSKU MEDICINU FEDERACIJE BOSNE I HERCEGOVINE ZA 2018. GODINU**, koji je utvrdila Vlada Federacije Bosne i Hercegovine na 176. sjednici, održanoj 18.04.2019. godine.

Također, u prilogu Vam dostavljam:

- Zaključak Vlade Federacije BiH o prihvatanju Rebalansa Finansijskog plana Zavoda za transfuzijsku medicinu Federacije Bosne i Hercegovine za 2018. godinu,
- Rebalans Finansijskog plana Zavoda za transfuzijsku medicinu Federacije Bosne i Hercegovine za 2018. godinu i
- Odluku Upravnog odbora Zavoda za transfuzijsku medicinu, broj: 01-1-5604/18 od 27.9.2018. godine.

Prijedlog odluke sa ostalom dokumentacijom se dostavlja na službenim jezicima i pismima Federacije Bosne i Hercegovine u printanoj i elektronskoj formi (CD).

S poštovanjem,



Prilog: kao u tekstu na bosanskom jeziku

Federalno ministarstvo zdravstva
gosp. Vjekoslav Mandić, ministar

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

**ODLUKA
O DAVANJU SAGLASNOSTI NA REBALANS FINANSIJSKOG PLANA
ZAVODA ZA TRANSFUZIJSKU MEDICINU FEDERACIJE BOSNE I
HERCEGOVINE ZA 2018. GODINU**

Sarajevo, april 2019. godine

Na osnovu člana 27. stav (7) Zakona o budžetima u Federaciji Bosne i Hercegovine („Službene novine Federacije BiH“, br. 102/13, 9/14, 13/14, 8/15, 91/15, 102/15, 104/16 i 5/18), a u vezi sa članom 53. stav (2) Zakona o zdravstvenoj zaštiti („Službene novine Federacije BiH“, br. 46/10 i 75/13) Predstavnički dom Parlamenta Federacije Bosne i Hercegovine, na ___ sjednici održanoj _____ godine i Dom naroda Parlamenta Federacije Bosne i Hercegovine na ___ sjednici održanoj _____ godine, d o n i o j e

O D L U K U
O DAVANJU SAGLASNOSTI NA REBALANS FINANSIJSKOG PLANA
ZAVODA ZA TRANSFUZIJSKU MEDICINU FEDERACIJE BOSNE I
HERCEGOVINE ZA 2018. GODINU

I

Ovom odlukom daje se saglasnost na Rebalans Finansijskog plana Zavoda za transfuzijsku medicinu Federacije Bosne i Hercegovine za 2018. godinu.

II

Rebalans Finansijskog plana iz tačke I nalazi se u prilogu ove odluke i čini njen sastavni dio.

III

Ova odluka stupa na snagu narednog dana od dana objavljivanja u „Službenim novinama Federacije BiH“.

Broj:
_____ 2019. godine
Sarajevo

Predsjedavajući
Doma naroda
Parlamenta Federacije BiH

Predsjedavajući
Predstavničkog doma
Parlamenta Federacije BiH

OBRAZLOŽENJE

Odluke o davanju saglasnosti na Rebalans Finansijskog plana Zavoda za transfuzijsku medicinu Federacije Bosne i Hercegovine za 2018. godinu

I - ZAKONSKI OSNOV

Zakonski osnov za donošenje ove odluke sadržan je u članu 27. stav (7) Zakona o budžetima u Federaciji Bosne i Hercegovine („Službene novine Federacije BiH“, br. 102/13, 9/14, 13/14, 8/15, 91/15, 102/15, 104/16 i 5/18), a u vezi sa članom 53. stav (2) Zakona o zdravstvenoj zaštiti („Službene novine Federacije BiH“, br. 46/10 i 75/13).

II - RAZLOZI ZA DONOŠENJE

Na osnovu odredbi člana 27. Zakona o budžetima u Federaciji Bosne i Hercegovine Zavod za transfuzijsku medicinu Federacije Bosne i Hercegovine izradio je Rebalans Finansijskog plana za 2018. godinu, koji se putem Federalnog ministarstva zdravstva dostavlja Vladi Federacije Bosne i Hercegovine na razmatranje, a Vlada Federacije Parlamentu Federacije BiH na razmatranje i davanje saglasnosti. Slijedom toga, i izmjene, tj. rebalans Finansijskog plana podliježe istovjetnoj proceduri.

Bitno je istaći da je Upravni odbor Zavoda za transfuzijsku medicinu Federacije Bosne i Hercegovine razmatrao i usvojio Rebalans Finansijskog plana Zavoda za transfuzijsku medicinu Federacije Bosne i Hercegovine.

Također, treba ukazati da je članom 53. stav (2) Zakona o zdravstvenoj zaštiti propisano da je Federacija Bosne i Hercegovine osnivač zavoda iz člana 43. stav (1) istoga Zakona, a što se odnosi i na Zavod za transfuzijsku medicinu Federacije BiH. Radi se o ustanovi koja obavlja transfuzijsku djelatnost, što podrazumijeva obavljanje stručnih i naučno-istraživačkih zdravstvenih funkcija iz okvira prava i dužnosti Federacije Bosne i Hercegovine. Slijedom toga, Zavod za transfuzijsku medicinu Federacije BiH odgovara za svoj rad i poslovanje osnivaču, tj. Federaciji Bosne i Hercegovine, te u okviru svojih obaveza prema osnivaču dostavlja na saglasnost i Finansijski plan za svaku kalendarsku godinu. Istovjetna procedura primjenjuje se za usvajanje Rebalansa Finansijskog plana. U vezi s tim, mora se istaći da Zavod za transfuzijsku medicinu Federacije BiH nije vanbudžetski korisnik, u smislu člana 27. Zakona o budžetima u Federaciji Bosne i Hercegovine, već se finansira iz više različitih izvora sredstava, međutim, radi osiguranja transparentnosti u planiranju i radu, Zavod shodno primjenjuje odredbe Zakona o budžetima u Federaciji Bosne i Hercegovine. Navedenim postupanjem Zavod osigurava da osnivač može blagovremeno da prati Finansijski plan i izvršenje tog plana, zbog čega i dostavlja Rebalans Finansijskog plana Federalnom ministarstvu zdravstva na dalje upućivanje Vladi Federacije BiH i Parlamentu Federacije BiH.

Kada je riječ o Rebalansu Finansijskog plana Zavoda, Zavod ističe da je Finansijski plan za 2018. godinu rađen u septembru 2017. godine i prihodi su planirani na osnovu potpisanih ugovora o finansiranju pruženih usluga osiguranicima

Kantona Sarajevo sa Zavodom zdravstvenog osiguranja Kantona Sarajevo (ZZO KS) i za pružanje usluga pacijentima po vertikalnom programu finansiranja sa Zavodom zdravstvenog osiguranja i reosiguranja Federacije BiH (ZZOR FBiH) za 2017. godinu. Ovi ugovori su potpisani za 2018. godinu u februaru 2018. godine i poslije, a planirani prihodi po ovim ugovorima se veoma razlikuju u odnosu na prethodnu godinu, tako da je ZZO KS za 2018. godinu umanjio sredstva po Ugovoru za pružanje usluga osiguranicima KS za cca 51.700 u odnosu na 2017. godinu. Također, finansiranje testova za transmisionu bolest od strane ZZO KS umanjeno je za 150.000 KM, dok je za isti iznos uvećano direktno finansiranje troškova NAT metodom testiranja krvi. Zavod zdravstvenog osiguranja i reosiguranja Federacije BiH je, također, umanjio finansiranje usluga po vertikalnom programu finansiranja za 100.000 KM u odnosu na prethodnu godinu. Sve navedeno je prouzrokovalo potrebu izrade Rebalansa Finansijskog plana, a na koji saglasnost treba da da Parlament Federacije BiH.

III - OBRAZLOŽENJE

Tačkom I Odluke daje se saglasnost na Rebalans Finansijskog plana Zavoda za transfuzijsku medicinu Federacije Bosne i Hercegovine za 2018. godinu.

Tačkom II Odluke definirano je da je Rebalans Finansijskog plana iz točke I sastavni dio ove Odluke i da se nalazi u prilogu.

Tačkom III Odluke predviđeno je da ista stupa na snagu narednog dana od dana objavljivanja u „Službenim novinama Federacije BiH“.

IV - FINANSIJSKA SREDSTVA

Za realizaciju ove odluke nisu potrebna dodatna izdvajanja sredstava iz Budžeta Federacije Bosne i Hercegovine.

Na osnovu člana 19. stav (4) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), na prijedlog federalnog ministra zdravstva, Vlada Federacije Bosne i Hercegovine na 176. sjednici održanoj 18.04.2019. godine, d o n o s i

ZAKLJUČAK
o prihvatanju Rebalansa Finansijskog plana Zavoda za transfuzijsku medicinu
Federacije Bosne i Hercegovine za 2018. godinu

1. Prihvata se Rebalans Finansijskog plana Zavoda za transfuzijsku medicinu Federacije Bosne i Hercegovine za 2018. godinu.
2. Rebalans Finansijskog plana iz tačke 1. ovog zaključka Vlada Federacije Bosne i Hercegovine dostavit će Parlamentu Federacije Bosne i Hercegovine, radi razmatranja i davanja saglasnosti.
3. Ovaj zaključak stupa na snagu danom donošenja.

V. broj: 284 /2019
18.04.2019. godine
Sarajevo



BOSNA I HERCEGOVINA
ZAVOD ZA TRANSFUZIJSKU MEDICINU
FEDERACIJE BOSNE I HERCEGOVINE

01-3-5644-1/18
28.9.2018

REBALANS
FINANSIJSKOG PLANA
za 2018. g.

Sarajevo, septembar 2018. godine

Uvod

Rebalans Plana je obavezan postupak u situaciji kada se ocijeni da prihodi ili rashodi odstupaju od planiranih, što uzrokuje neostvarivanje jednog od najznačajnijih budžetskih principa – uravnoteženosti.

Rebalans Finansijskog plana se donosi po istom principu kao i Finansijski plan.

Ovim rebalansom se utvrđuje plan ukupnih prihoda i ukupnih rashoda Zavoda za transfuzijsku medicinu Federacije BiH (u daljem tekstu Zavod) za 2018. godinu iz planiranih sredstava Budžeta Federacije BiH, ZZOKS, ZZORFBiH i sredstava od pružanja usluga vlastite djelatnosti.

Prihodi

Ukupni prihodi Zavoda po Rebalansu finansijskog plana za za 2018. godinu planirani su u iznosu od 5.544.061 KM i povećani su za 66.911 KM ili za 1,2% u odnosu na planirane.

Finansijski plan za 2018. g. se radio u septembru 2017. g. i prihodi su planirani na osnovu potpisanih ugovora o finansiranju pruženih usluga osiguranicima Kantona Sarajevo sa Zavodom zdravstvenog osiguranja Kantona Sarajevo (ZZOKS) i za pružanje usluga pacijentima po vertikalnom programu finansiranja sa Zavodom zdravstvenog osiguranja i reosiguranja Federacije BiH (ZZORFBiH) za 2017. g.

Ovi ugovori su potpisani za 2018. g. u februaru 2018. g. i planirani prihodi po ovim ugovorima se veoma razlikuju u odnosu na prethodnu godinu, tako da je ZZOKS za 2018. g. umanjio sredstva po Ugovoru za pružanje usluga osiguranicima KS za cca 51.700 KM u odnosu na 2017. g. (finansiranje testova na transmisione bolesti umanjeno za 150.000 KM a za isti iznos uvećano direktno finansiranje troškova NAT metodom testiranja krvi čime bi se ispoštovale odredbe Pravilnika o osiguranju kvaliteta krvi i krvnih sastojaka u dijelu obaveznog testiranja na HCV core antigen hepatitis C, u iznosu od 750.000 KM).

Krajem jula 2018. g. potpisan je Aneks ugovora o pružanju zdravstvene zaštite osiguranim licima Kantona Sarajevo, jer je rađen Rebalans finansijskog plana ZZOKS, po kojem su Zavodu uvećana sredstva za 2018. g. u ukupnom iznosu od 164.750 KM.

ZZORFBiH je također umanjio finansiranje usluga po vertikalnom programu finansiranja u 2018. g. za 100.000 KM u odnosu na 2017. g.

Sklopljen je Ugovor o zapošljavanju pripravnika sa Zavodom za zapošljavanje po programu sufinansiranje pripravnika.

Rashodi

Ukupni rashodi Zavoda po Rebalansu finansijskog plana za za 2018. godinu planirani su u iznosu od 5.544.061 KM i povećani su za 66.911 KM ili za 1,2% u odnosu na planirane.

Zbog nedostatka sredstava u Planu za 2018. g. sve stavke su planirane za 6, odnosno 9 mjeseci u odnosu na stvarne potrebe Zavoda.

Izmjene po Rebalansu su u potrošnom laboratorijskom materijalu (testovi na transmisione bolesti su zadržane na planiranom iznosu od 400.000 KM s tim da će Zavod snositi troškove u iznosu od 150.000 KM ukoliko ZZOKS ne odobri i ta sredstva, stavka - potrošni materijal za testiranje NAT metodom sa 600.000 KM povećana je na 750.000KM od ZZOKS-a), umanjena su sredstva za potrošni laboratorijski materijal za 107.050 KM, a povećani su troškovi plaća za 193.461 KM, za razliku su umanjena sredstva za stavke 2.3, 2.4, 2.5, 2.6, 2.7 i 2.9 jer se prema

izvršenju za osam mjeseci očekuju nešto niži troškovi do kraja obračunskog perioda, sve ostale stavke iz Plana za 2018. g. su ostale nepromijenjene.

Cilj: ponovno uspostavljanje ravnoteže između prihoda i rashoda prema odobrenim sredstvima koja su dostatna za 6-9 mjeseci poslovanja Zavoda.

Rebalans Plana za 2018. godinu

Tabela 1

1	OPIS	Plan za 2018. g.	Izvršenje Plana do 31. 8. 2018. g.	Rebalans Plana za 2018. g.	Ukupno Plan za 2018. g.	% 4/3	% 6/3
2	3	4	5	6	7	8	
R. br.	I Prihodi						
1.	Federalno ministarstvo zdravstva - Budžet	1.125.000	750.000		1.125.000	66	100
2.	Zavod zdravstvenog osiguranja KS	1.492.150	1.096.982	164.751	1.656.901	73	111
3.	Direktno finansirani troškovi ZZOKS	1.490.000	755.693		1.490.000	50	100
4.	Zavod zdravstvenog osiguranja i reosiguranja FBiH (Ugovor o stokiranju faktora hemofilije)	30.000	15.000		30.000	50	100
5.	Usluge po vertikalnom programu finansiranja ZZORFBiH	430.000	178.973	-100.000	330.000	41	76
	Zavod za zapošljavanje (pripravnik)			2.160	2.160		
6.	Sredstva od pružanja usluga	900.000	355.224		900.000	39	100
7.	Ostali prihodi	10.000	4.015		10.000	40	100
	Ukupno prihodi i primici	5.477.150	3.155.887	66.911	5.544.061	58	101
	II Rashodi						
	1. Troškovi materijala, energije i usluga:						
1.1	Potrošni materijali za laboratorijsku, dijagnostičku i terapijsku djelatnost	2.307.050	1.576.985	-107.050	2.200.000	68	95
1.2	Sanitetski i ostali medicinski materijali	60.000	26.765		60.000	45	100
1.3	Zahvalni obrok za DDK	60.000	27.207		60.000	45	100
1.4	Potrošni materijal za DDK (knjižice za dobrovoljne davaoce, propagandni materijal)	5.000	6.337		5.000	127	100
1.5	Materijal za održavanje i ostale komunalne usluge	2.000	1.300		2.000	65	100
1.6	Kancelarijski i kompjuterski materijal	18.000	9.965		18.000	55	100
1.7	Materijal za čišćenje	10.000	7.173		10.000	72	100
1.8	Gorivo i mazivo	23.000	12.131		23.000	52	100
1.9	Troškovi električne energije	62.000	33.621		62.000	54	100
1.10	Troškovi grijanja	52.000	30.097		52.000	57	100
1.11	Troškovi vode	2.500	1.085		2.500	43	100
1.12	Troškovi PTT usluga	22.000	12.070		22.000	54	100
1.13	Bankarske usluge, premije osiguranja i članarine	5.000	1.304		5.000	26	100

	OPIS	Plan za 2018. g.	Izvršenje Plana do 31. 8. 2018. g.	Rebalans Plana za 2018. g.	Ukupno Plan za 2018. g.	% 4/3	% 6/3
1	2	3	4	5	6	7	8
1.14	Troškovi sitnog inventara - medicinskog	4.000	2.327		4.000	58	100
1.15	Troškovi sitnog inventara - ostalog	4.000	5.061		4.000	126	100
1.16	Troškovi investicionog i tekućeg održavanja	68.000	98.449		68.000	144	100
1.17	Nabavka radne odjeće i obuće	4.000	6.104		4.000	152	100
1.18	Reprezentacija	2.600	447		2.600	17	100
1.19	Održavanje softvera inform. sistema i finseta	90.000	60.073		90.000	66	100
1.20	Ostali troškovi	20.000	21.715		20.000	108	100
1.21	Doprinosi Fondu za invalidne osobe	5.000	6.355		5.000	127	100
1.22	Troškovi odvoza medicinskog otpada		24.574				
	Ukupno troškovi materijala, energije i usluga	2.826.150	1.971.145	-107.050	2.719.100	69	96
	2. Plaće i naknade:						
2.1	Bruto plaće	2.200.000	1.852.704	193.461	2.393.461	84	108
2.2	Naknada za topli obrok	180.000	123.379		180.000	68	100
2.3	Naknada za prevoz	60.000	42.324	-1.000	59.000	70	98
2.4	Naknada za regres	45.000	38.715	-1.500	43.500	86	96
2.5	Pomoći zaposlenim i članovima porodice, odlazak u penziju	15.000	5.199	-7.000	8.000	34	53
2.6	Naknade za rad Upravnog odbora	58.000	37.526	-2.000	56.000	64	96
2.7	Naknade za rad Nadzornog odbora	38.000	22.666	-3.000	35.000	59	92
2.8	Troškovi stručnog usavršavanja	10.000	4.328		10.000	43	100
2.9	Troškovi službenih putovanja u zemlji i inostranstvu	35.000	21.063	-5.000	30.000	60	85
2.10	Naknade po Ugovoru o djelu (edukacija iz transfuzije, konsultanti idr.)	10.000	12.679		10.000	126	100
2.11	Troškovi po tužbama		101.147				
	Ukupno plaće i naknade (2.1-2.11)	2.651.000	2.250.214	173.961	2.824.961	84	106
	3. Ostali troškovi i rashodi:						
3.1	Rashodi po osnovu kamata						
3.2	Ostali rashodi						
	Ukupno ostali troškovi i rashodi (3.1-3.2)						
	Ukupni rashodi poslovanja (od 1. do 3.)	5.477.150	4.221.359	66.911	5.544.061	77	101
	Razlika prihoda i rashoda	∅	-1.065.472	∅	∅		

1.1.a Iz sredstava po Ugovoru sa Zavodom zdravstvenog osiguranja Kantona Sarajevo (dalje ZZOKS) direktno finansiranih troškova cca 1.490.000 KM, sredstva su bila planirana:

Opis	Plan 2018. g.	Rebalans za 2018. g.	Ukupno Plan ZZOKS 2018. g.
- repromaterijal za hemoferezu	200.000		200.000
- višestruke kese za konzervaciju krvi	290.000		290.000

Zavod za transfuzijsku medicinu Federacije BiH, Sarajevo

4

Rebalans finansijskog plana za 2018. g.

Opis	Plan 2018. g.	Rebalans za 2018. g.	Ukupno Plan ZZOKS 2018. g.
- testovi za detekciju transmisionih bolesti - serološko	400.000	-150.000	250.000
- NAT testiranje krvi na transmisione bolesti	600.000	150.000	750.000
Ukupno:	1.490.000		1.490.000

U 2017. g. su upućivani dopisi i vođeni razgovori sa ZZOKS-om da se sredstva koja su skinuta sa serološkog testiranja koje je obavezno po Zakonu vrate na 500.000 KM, međutim to se nije desilo nego su umanjena za još 150.000 KM, a za isti iznos povećao NAT testiranje krvi.

Razliku od 150.000 KM za testove na transmisione bolesti i za sve ostale troškove redovnog poslovanja Zavod će morati iznaći mogućnost da pokrije iz drugih sredstava, kako bi sva krv bila testirana i ovom metodom i ispunili se standardi sigurne krvi.

1.1.b Iz sredstava za materijalne troškove izdvojene su najveće stavke u potrošnji materijala:

Opis	Plan 2018. g.	Rebalans za 2018. g.	Ukupno Plan 2018. g.
Repromaterijal za detekciju koagulacionih poremećaja	100.000		100.000
Repromaterijal za HLA tipizacije	130.000		130.000
Repromaterijal za krio konzervaciju	50.000	-2.050	47.950
Reagensi za imunoematologiju - detekciju krvnih grupa	400.000		400.000
Repromaterijal za hemoferezu	100.000	-100.000	0
Kontrola kvaliteta	20.000	-5.000	15.000
Repromaterijal za testiranje transmisionih bolesti - serologija	17.050		17.050
Ukupno:	817.050	-107.050	710.000

Zavod za transfuzijsku medicinu Federacije Bosne i Hercegovine je visoko specijalizirana zdravstvena ustanova koja već šest decenija vrši prikupljanje i čuvanje krvi, testiranje na transmisione bolesti (HIV 1/2, Syphilis, Hepatitis B i C) i pripremu krvnih produkata kao i izvođenje laboratorijskih analiza potrebnih za uspješnu i sigurnu primjenu transfuzije krvi.

Da bi Zavod mogao da posluje bez gubitka, neophodno bi bilo da se u Budžetu Federacije planiraju veća sredstva za godišnju tranšu u odnosu na dosadašnju (cca na godišnjem nivou 2.500.000 KM).


Pripremila

Suvada Batalović, dipl. oec.




Direktorica

Prim. dr. Jasminka Kurilić



**ZAVOD ZA TRANSFUZIJSKU MEDICINU
FEDERACIJE BOSNE I HERCEGOVINE
SARAJEVO**

Broj: 01-1-5604/18

Datum: 27.9.2018.

Na osnovu odredbe člana 32. Statuta Zavoda za transfuzijsku medicinu Federacije Bosne i Hercegovine („Službene novine Federacije BiH“, broj 70/13), Upravni odbor Zavoda na svojoj XXXIX sjednici održanoj 24. 9. 2018. godine donosi

ODLUKU

I

Usvaja se Rebalans finansijskog plana Zavoda za transfuzijsku medicinu Federacije Bosne i Hercegovine za 2018.godinu.

II

Ova Odluka je sačinjena u 8 /osam/ istovjetnih primjeraka i stupa na snagu danom donošenja.

OBRAZLOŽENJE

Usljed Zakonske obaveze i ukazane potrebe Zavoda za transfuzijsku medicinu Federacije Bosne i Hercegovine da donese Rebalans finansijskog plana za 2018.godinu, Upravni odbor Zavoda je na XXXIX sjednici održanoj 24. 9. 2018. godine donio odluku kao u dispozitivu.

Predsjednica Upravnog odbora

Adisa Mehčić, dipl. iur



Dostaviti:

- 1x Federalnom ministarstvu zdravstva
- 1x Zavodu zdravstvenog osiguranja i reosiguranja Federacije BiH
- 1x Zavodu zdravstvenog osiguranja Kantona Sarajevo
- 1x Ministarstvu zdravstva Kantona Sarajevo
- 1x Predsjednici UO-a
- 1x Direktorici
- 1x Odsjeku za ekonomske i računovodstvene poslove
- 1x a/a